



Kommuninut tamanut

Ulloq 6. april 2021 qinersinerni coronap sillimaffiginissaanut maleruagassat pillugit Qinersinermut ataatsimiititaliami aalajangiineq

Qinersinermut ataatsimiititaliami ulloq 15. februar 2021 ataatsimiinnermi makkua aalajangiunneqarput:

22. februar 2021
Sagsnr. 2021 - 4164
Dok. nr. 16140942

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

- Kingusinnerpaamik sisamanngorneq ulloq 1. april 2021 inoqarfimmi coronamik tunillatsittoqarsimallutik tuniluuttoqartoq peqqissutsimut oqartussat paasissagaluarpasuk, qinersineq Nunatsinni Nakorsaaneqarfimmiit aalajangiineq malillugu ullut arlallit ingerlanneqassaaq.
- Ullut arlallit qinersinerup ingerlanneqarnera malittarisassat makkua malillugit pissaaq:
 - Taasiartorfissani qinersisinnaatitaasut 200-nit ikinneruppata qinersinerup ingerlanneqarnera ullut marluk atorlugit pissaaq, tassalu ataasinngorneq ulloq 5. april aamma marlunngorneq ulloq 6. april 2021.
 - Taasiartorfissani qinersisinnaatitaasut 200-nit amerlaneruppata qinersinerup ingerlanneqarnera ullut pingasut atorlugit ingerlanneqassaaq, tassalu sapaat ulloq 4. april, ataasinngorneq ulloq 5. april aamma marlunngorneq ulloq 6. april 2021.
- Ulluni arlalinni qinersineq suliaqarnikkut qanoq ingerlanneqassanersoq kommunit ilitsersornissaannut Qinersinermut ataatsimiititaliamut allattoqarfik piginnaatinnerqassaaq.
- Inoqarfimmi corona tuniluutilersimasoq ulluni 2., 3., 4., 5. imaluunniit 6. april peqqissutsimut oqartussanit paasineqassagaluarpasut, Qinersinermut ataatsimiititaliaq ulloq qinersiviusoq tikitsinnagu Nunatsinni Nakorsaaneqarfik isumasioqatigalugu allamik aalajangiisimanngippat, qinersititsineq taamaallaat ulloq qinersiviusussaq 6. april 2021 ingerlanneqassaaq.

Qinersinermut ataatsimiititaliap aalajangiinera qinersinernut marlunngorneq ulloq 6. april 2021 ingerlanneqartussatut suaarutigineqartunut tamanut atuuppoq.

Tungaviusoq

Qinersinermut ataatsimiititaliap aalajangiinernut tungavigineqarput kommunalbestyrelsinut, nunaqarfimmi aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. november 2016-imeersumi § 80 kiisalu Inatsisartut qinersisarneq pillugu Inatsisartut inatsisaat nr. 14, 24. november 2020-meersumi § 8, imm. 4.

Maannakkut coronamut tunngatillugu inissisimaneq, peqqissutsimut oqartussat ulloq qinersiviususaaq sioqqutilaarlugu corona tuniluutilersoq paasissagaluarpassuk, pisutut Qinersinermut ataatsimiititaliap inatsisip saneqqunneqarnissaanik aalajangiinissaanut periarfissiisutut nalilerneqarpoq.

Inussiarnersumik inuulluaqqusillunga
Med venlig hilsen



Klaus Georg Hansen
Qinersinermut Ataatsimiititaliamut allattoqarfimmi pisortaq
Nunamut Namminermut immikkoortortaqarfik

34 51 11
kgh1@nanoq.gl